

Ponovna uspostava Otvorene linije za pomoć novinarima

OHR, Europska komisija i OESS najavljuju ponovnu uspostavu Otvorene linije za pomoć novinarima (Free Media Help Line). Ovaj servis pruža pomoć novinarima i medijskim kućama, u slučajevima prijetnji, zastrašivanja ili miješanja u njihov rad. Zajamčena je diskrecija poziva upućenih na ovaj broj telefona.

Odjel za medije OESS-a pokrenuo je ovaj projekat u studenom 1999. godine kako bi ponudio novinarima, izloženim prijetnjama ili čak nasilju, mogućnost prijavljivanja takvih slučajeva. Do sada je prijavljeno preko 250 slučajeva i linija se pokazala uspješnom u jačanju pouzdanja novinara. Ovaj servis podstiče novinare da otvoreno i na osnovu činjenica prijave slučajeve zastrašivanja, uvjereni da takva djela počinjena protiv njih neće proći nekažnjeno. Servis je također osigurao otkrivanje sve većeg broja slučajeva kršenja prava novinara, te omogućio nadležnim agencijama da pravodobno poduzmu odgovarajuće mjere.

Iako je OESS prekinuo svoje aktivnosti u oblasti medija, nastavak rada Otvorene linije za pomoć novinarima je od suštinskog značaja za novinare širom Bosne i Hercegovine. OHR je preuzeo ovu zadaću kako bi omogućio nastavak rada ovog servisa. Ovaj projekat ne bi bio moguć bez velikodušne financijske podrške Europske unije i Agencije za razvoj i suradnju iz Švicarske. Cilj ovog projekta je isti – stvaranje zdravog, demokratskog i sigurnog medijskog okruženja u Bosni i Hercegovini.

Ovom prigodom želimo podsjetiti sve novinare i medijske kuće da Otvorena linija za pomoć novinarima nastavlja sa svojim radom.

Novi telefonski broj Otvorene linije za pomoć medijima je 033 217 302.

Kontakt E-mail adresa je FreeMediaHelpLine@ohr.int